



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

11 մարտի 2024 թվական

ք.Երևան

ՀՀ Վճռաբեկ դատարանի նախագահ Լիլիթ Թադևոսյանս, ՀՀ Վճռաբեկ դատարանի քրեական պալատի նախագահին փոխարինող Արթուր Պողոսյանս, ՀՀ Վճռաբեկ դատարանի հակակոռուպցիոն պալատի նախագահ Արթուր Դավթյանս, ուսումնասիրելով թիվ ԳԴ/0016/01/24 (ՀԿԴ2/0034/01/23) քրեական վարույթի ընդդատության հարցը լուծելու համար ՀՀ Վճռաբեկ դատարան ուղարկելու մասին Գեղարքունիքի մարզի առաջին ատյանի ընդհանուր իրավասության դատարանի՝ 2024 թվականի փետրվարի 23-ի որոշումը,

Պ Ա Ր Զ Ե Ց Ի Ն Ք

**Վարույթի դատավարական նախապատմությունը.**

1. 2023 թվականի սեպտեմբերի 27-ին Հակակոռուպցիոն դատարանում ստացվել է Գագիկ Սերյոժայի Հակոբյանի վերաբերյալ ՀՀ քրեական օրենսգրքի 254-րդ հոդվածի 2-րդ մասի 1-ին կետով, 521-րդ հոդվածի 1-ին մասով, Գևորգ Գազարոսի Պետրոսյանի վերաբերյալ ՀՀ քրեական օրենսգրքի 254-րդ հոդվածի 2-

րդ մասի 1-ին կետով, 166-րդ հոդվածի 2-րդ մասի 6-րդ կետով, 521-րդ հոդվածի 1-ին մասով և Գոռ Մայիսի Բաղդասարյան վերաբերյալ ՀՀ քրեական օրենսգրքի 549-րդ հոդվածի 1-ին մասով, 520-րդ հոդվածի 3-րդ մասի 1-ին կետով թիվ 90668422 (ՀԿԴ2/0034/01/23) քրեական վարույթը:

1.1. Հակակոռուպցիոն դատարանը 2024 թվականի սեպտեմբերի 29-ին որոշում է կայացրել թիվ ՀԿԴ2/0034/01/23 քրեական վարույթը ստանձնելու և 2023 թվականի հոկտեմբերի 10-ին նախնական դատալսումներ նշանակելու մասին:

1.2. Հակակոռուպցիոն դատարանը, 2024 թվականի փետրվարի 7-ին՝ նախնական դատալսումների ընթացքում, որոշում է կայացրել քրեական վարույթն ըստ ընդդատության Գեղարքունիքի մարզի առաջին ատյանի ընդհանուր իրավասության դատարան փոխանցելու մասին:

2. Գեղարքունիքի մարզի առաջին ատյանի ընդհանուր իրավասության դատարանը 2024 թվականի փետրվարի 23-ին որոշում է կայացրել թիվ ԳԴ/0016/01/24 (ՀԿԴ2/0034/01/23) քրեական վարույթը Վճռաբեկ դատարան ուղարկելու մասին՝ ընդդատության հարցը լուծելու համար:

3. Քրեական վարույթը Վճռաբեկ դատարանում ստացվել է 2024 թվականի փետրվարի 27-ին:

**Ընդդատության վերաբերյալ հարցը լուծելու համար էական նշանակություն ունեցող փաստական հանգամանքները.**

4. 2023 թվականի օգոստոսի 17-ի որոշմամբ Գագիկ Սերյոժայի Հակոբյանի նկատմամբ ՀՀ քրեական օրենսգրքի 254-րդ հոդվածի 2-րդ մասի 1-ին կետով, 521-րդ հոդվածի 1-ին մասով հանրային քրեական հետապնդում է հարուցվել այն բանի համար, որ «նա հանդիսանալով ՀՀ ՊՆ 55076 զորամասի Դ-20 հրեղանային դիվիզիոնի 1-ին մարտկոցի ժամկետային զինծառայող, կոչումով շարքային, Գևորգ Ղազարոսի Պերրոսյանի հետ 2022 թվականի նոյեմբերի 11-ից մինչև նոյեմբերի 18-ն ընկած ժամանակահատվածում մարտական հերթապահություն են իրականացրել Վարդենիսի պաշտպանության շրջանի Արիոնք գյուղի 555 ԱՄՀԳ-ի պաշտպանության րեղամասում, որի ժամանակ գույքի գաղտնի հաիշտակություն

կարարելու դիտարկությամբ, մեկը մյուսի գործողությունները լրացնելով և համարելով ուժերով, միասնական նպատակին հասնելու համար, քննությամբ չպարզված օրը, իրենց կացարանից գաղտնի հափշտակել են 2022 թվականի նոյեմբեր-դեկտեմբեր ամիսներին անձնակազմին հարկացված պահածոյացված մեկ արկղ տարողությամբ, ընդհանուր 26.840 դրամ արժողության 20 հար շոգեխաշած միս և իրացրել Արփունք գյուղում գրնվող Նաիրի Խաչատրյանի կողմից շահագործվող մթերային խանութում, որի դիմաց վերջինիցս սրացել են մեկ շիջ 0,5 լիտր տարողությամբ կոնյակ՝ այդ կերպ ՀՀ Պաշտպանության նախարարությանը պարճատելով 26.840 դրամի գույքային վնաս:

Բացի այդ, շարքային Գագիկ Հակոբյանը, ՀՀ ԶՈՒ ներքին ծառայության կանոնագրքի 13-րդ և 16-րդ հոդվածների համաձայն պարտավոր լինելով բարձր պահել զինվորական ընկերասիրությունը, զինծառայողների նկարմամբ թույլ չտալ կոպրություն և ծաղրուծանակ, պահպանել զինվորական ընկերասիրությունը, հարգել նրանցից յուրաքանչյուրի պատիվն ու արժանապատվությունը, պահպանել զինվորական հարգանքի և վարքի կանոնները, հարգանք փաժել զինծառայողների նկարմամբ, զինծառայողների համար նախատեսված մեկ արկղ պահածո գաղտնի հափշտակելու հարցի շուրջ 2022 թվականի դեկտեմբերի 3-ին՝ ժամը 20-ի սահմաններում, տարաձայնություն ունենալով շարքային Գևորգ Պետրոսյանի հետ, խախտել է զինծառայողների փոխհարաբերությունների վերը նշված կանոնագրքային կանոնները և ստորադասության հարաբերությունների բացակայության դեպքում, Արփունք գյուղի 555 ԱՄՀԳ-ի պաշտպանության տեղամասում գրնվող զինվորական ծառայողների համար նախատեսված կացարանի տարածքում ուրքով հարվածել է Գևորգ Պետրոսյանի որովայնի որովայնին (...)<sup>1</sup>:

2023 թվականի սեպտեմբերի 13-ի որոշմամբ Գևորգ Ղազարոսի Պետրոսյանի նկատմամբ ՀՀ քրեական օրենսգրքի 254-րդ հոդվածի 2-րդ մասի 1-ին կետով, 166-րդ հոդվածի 2-րդ մասի 6-րդ կետով, 521-րդ հոդվածի 1-ին մասով հանրային քրեական հետապնդում է հարուցվել այն բանի համար, որ «նա հանդիսանալով ժամկետային

<sup>1</sup> Տե՛ս քրեական վարույթ, հատոր 6, թերթեր 223-224:

զինծառայող, շարքային խմբի կազմում նախնական համաձայնությամբ կատարել է գաղտնի հափշտակություն, ինչպես նաև սրորադասության (ենթակայության) հարաբերությունների բացակայության պայմաններում խախտելով զինծառայողների փոխհարաբերությունների կանոնագրքային կանոնները՝ ժամկետային զինծառայող Գագիկ Սերյոժայի Հակոբյանի առողջությանը զենքի գործադրմամբ պայրճատել է ծանր վնաս:

Այսպես.

Քնորգ Պետրոսյանը, հանդիսանալով ՀՀ ՊՆ 55076 զորամասի Դ-20 հրերանային դիվիզիոնի 1-ին մարտկոցի ժամկետային զինծառայող, կոչումով շարքային, նույն մարտկոցի ժամկետային զինծառայող, կոչումով շարքային, Գագիկ Սերյոժայի Հակոբյանի հետ 2022 թվականի նոյեմբերի 11-ից մինչև նոյեմբերի 18-ն ընկած ժամանակահատվածում մարտական հերթապահություն են իրականացրել Վարդենիսի պաշտպանության շրջանի Արիոնք գյուղի 555 ԱՄՀԳ-ի պաշտպանության փեղամասում, որի ժամանակ գույքի գաղտնի հափշտակություն կատարելու դիտարկությամբ, մեկը մյուսի գործողությունները լրացնելով և համատեղ ուժերով, միասնական նպատակին հասնելու համար, քննությամբ չպարզված օրը, իրենց կացարանից գաղտնի հափշտակել են 2022 թվականի նոյեմբեր-դեկտեմբեր ամիսներին անձնակազմին հատկացված պահածոյացված մեկ արկղ փարողությամբ, ընդհանուր 26.840 դրամ արժողության 20 հար շոգեխաշած միս և իրացրել Արիոնք գյուղում գրավող Նաիրի Խաչատրյանի կողմից շահագործվող մթերային խանութում, որի դիմաց վերջինիցս ստացել են մեկ շիշ 0,5 լիտր փարողությամբ կոնյակ՝ այդ կերպ ՀՀ Պաշտպանության նախարարությանը պայրճատելով մանր չափի՝ 26.840 դրամի գույքային վնաս:

Բացի այդ, Գեղարքունիքի մարզի Արիոնք գյուղի 555 ԱՄՀԳ-ի պաշտպանության փեղամասում շարքային Քնորգ Պետրոսյանը 2022 թվականի դեկտեմբերի 3-ին՝ երեկոյան, զինծառայողի համար նախատեսված մեկ արկղ պահածո գաղտնի հափշտակելու հարցի շուրջ փարաձայնություն է ունեցել նույն մարտկոցի զինծառայողներ զինվորական կոչումով իրենից բարձր կրտսեր սերժանտ Արամ Արմենի Մարկոսյանի և հրամանատար, ավագ լեյտենանտ Գոռ

Մայիսի Բաղդասարյանի, ինչպես նաև շարքային Գագիկ Սերյոժայի Հակոբյանի հետ, որի ընթացքում նրանց կողմից ենթարկվել է բնության և պարսավանքի: Ժամը 20-ի սահմաններում, Քևորգ Պետրոսյանը Գագիկ Հակոբյանի հետ գրնվելով կացարանում՝ վառարանի մոտ, վերջինիս մեղադրել է իրեն վերագրվող պահածոների հաիշտակությունը կատարելու մեջ՝ հնչեցնելով նրա նկատմամբ բռնություն գործադրելու սպառնալիք: Քևորգ Հակոբյանը, չցանկանալով վեճի բռնվել Քևորգ Պետրոսյանի հետ, դուրս է եկել նշված սենյակից և գնացել քնելու համար նախատեսված սենյակ: Քևորգ Պետրոսյանը, խախտելով զինժառայողների փոխհարաբերությունների կանոնագրքային կանոնները՝ ստորադասության հարաբերությունների բացակայության դեպքում, ինչպես նաև ՀՀ ՋՈՒ ներքին ծառայության կանոնագրքի 13-րդ և 16-րդ հոդվածներով նախատեսված զինժառայողների փոխհարաբերությունների կանոնագրքային կանոնները, համաձայն որոնց պարտավոր լինելով բարձր պահել զինվորական ընկերասիրությունը, զինժառայողների նկատմամբ թույլ չտալ կոպություն և ծաղրուծանակ, պահպանել զինվորական ընկերասիրությունը, հարգել նրանցից յուրաքանչյուրի պարիվն ու արժանապարտությունը, իր և ուրիշ զինժառայողների նկատմամբ թույլ չտալ կոպություն և ծաղրուծանակ, պահպանել զինվորական հարգանքի և վարքի կանոնները, հարգանք փածել զինժառայողների նկատմամբ, Գագիկ Հակոբյանի առողջությանը ծանր վնաս պարճատելու դիտարկությամբ, գնացել է քնելարեղի, նույն վայրում գրնվող զինարուրգից վերցրել է ԱԿ-74 698187 համարի ինքնաճիգը և կրակել է վերջինս աջ ազդրին՝ նրա առողջությանը պարճատելով աջ ստորին վերջույթի՝ ազդրի ստորին երրորդականի ամպուրացիայի ձևով ծանր վնաս (...):<sup>2</sup>:

2023 թվականի սեպտեմբերի 13-ի որոշմամբ Գոռ Մայիսի Բաղդասարյան նկատմամբ ՀՀ քրեական օրենսգրքի 549-րդ հոդվածի 1-ին մասով, 520-րդ հոդվածի 3-րդ մասի 1-ին կետով հանրային քրեական հետապնդում է հարուցվել այն բանի համար, որ «նա հանդիսանալով հրամանատար (պետ), չարաշահել է իշխանությունը՝ հանցագործությունների մասին չի զեկուցել անհապաղ, որն

<sup>2</sup> Տե՛ս քրեական վարույթ, հատոր 6, թերթեր 247-248:

ստաջացրել է հանցանքի պարտական, ինչպես նաև զինվորական ծառայություն կրելու վայրում խմբի կազմում զինվորական կոչումով բարձր այլ վերադաս զինծառայողի հետ սրորադասի նկատմամբ գործադրել է զինվորական ծառայության պարտականությունները կատարելու հետ չկապված բռնություն:

Այսպես.

ՀՀ ՊՆ 55076 զորամասի Դ-20 ՀԴՆ-ի 1-ին ՀՐՄ-ի հրամանատարի ՊԺԿ, կոչումով ավագ լեյտենանտ Գոռ Մայիսի Բաղդասարյանը, հանդիսանալով հրամանատար (պետ)՝ զինվորական կոչումով և ծառայողական դիրքով մարտկոցի զինծառայողներից բարձր անձ, ինչպես նաև նրանց վերադասը, ունենալով իր լիազորություններից բխող հրամաններ կամ կարգադրություններ փայլու կամ դրանց կատարումն ապահովելու իրավասություն, ՀՀ ՊՆ ԶՈՒ ներքին ծառայության կանոնագրի 73-րդ հոդվածի համաձայն՝ պարասիսանսարու լինելով զինվորական կարգապահության, բարոյահոգեբանական վիճակի և զինվորական ծառայության անվրանգության, ներքին կարգուկանոնի համար, իսկ նույն կանոնակարգի 76-րդ հոդվածի համաձայն՝ պարտավոր լինելով ենթակաների մեջ ձևավորել զսպվածություն, զինվորական ընկերականություն, օգրագործել դաստիարակվածության անձնական օրինակը, ծառայության նկատմամբ հավասար վերաբերմունքը, փոխհարաբերությունների մեջ թույլ չփայլ անբարոյություն և կոպրություն, իսկ ԶՈՒ Կարգապահական կանոնագրի 4-րդ հոդվածի համաձայն՝ պարասիսանսարու լինելով ձեռնարկել կանխարգելիչ միջոցառումներ՝ նպատակ ունենալով ապահովել զորամասի (սրորաբաժանման) մարտունակությունը և ստաջադրված խնդիրների կատարումը, հետևողական աշխատանք փանել հանցագործությունների, պարասիսանսարների և կարգապահական խախտումների կանխման ուղղությամբ, հանցագործությունների ու պարասիսանսարների մասին զեկուցել անհապաղ, խախտել է նշված իրավական ակտերով սահմանված պահանջները, մասնավորապես՝ 2022 թվականի դեկտեմբերի 03-ին զինվորական ծառայության կրելու վայրում Գեղարքունիքի մարզի Վարդենիս համայնքի Արփունք բնակավայրի 555 ԱՄՀԳ-ի պաշտպանության տեղամասում, տեղեկանալով իր սրորադաս (ենթակա) զինծառայողներ՝ շարքայիներ Գևորգ

Ղազարոսի Պեյրոսյանի և Գագիկ Սերյոժայի Հակոբյանի կողմից 2022 թվականի նոյեմբերին՝ քննությամբ դեռևս չպարզված օրը, խմբի կազմում նախնական համաձայնությամբ, զինժառայողներին հարկացված, վաճառքի համար չնախարեւալված, պահածոյացված մեկ արկղ մանր չափերի՝ ընդհանուր 26.840 դրամ արժողության 20 հար, շոգեխաշած միս գաղտնի հափշտակելու դեպքի մասին, չի կարարել իր ծառայողական պարտականությունները՝ անհապաղ չի զեկուցել վերադաս հրամանատարությանը, որն առաջացրել է հանցանքի պարտականում:

Այնուհետև, Գոռ Բաղդասարյանը, խախտելով ՀՀ ԶՈՒ ներքին ծառայության կանոնագրքով նախարեւալված զինժառայողների փոխհարաբերությունների կանոնագրքային կանոնները, փորձել է ինքնուրույն գնահատականի արժանացնել նրանց գործողությունները, այն է՝ գողության կարարման համար ժամկետային զինժառայող Գևորգ Պեյրոսյանին պարժելու նպատակով, ժամկետային զինժառայող, կրտսեր սերժանտ Արամ Արմենի Մարկոսյանի հետ խմբի կազմում, մեկը մյուսի գործողությունները փոխլրացնելով, նույն օրը բռնություն են գործադրել Գևորգ Պեյրոսյանի նկատմամբ՝ բռնուցքներով հարվածներ հասցնելով վերջինիս մարմնի տարբեր մասերին:

Գևորգ Պեյրոսյանը և Գագիկ Հակոբյանը, օգտվելով սրեղծված անառողջ մթնոլորտից, նույն օրը շարունակել են պահածոյի հափշտակության հարցի շուրջ վիճարանությունը՝ միմյանց մեղադրելով դրա կարարման մեջ, որի ընթացքում Գագիկ Հակոբյանը, խախտելով զինժառայողների փոխհարաբերությունների վերը նշված կանոնագրքային կանոնները, ստորադասության հարաբերությունների բացակայության դեպքում, 555 ԱՄՀԳ-ի պաշտպանության տեղամասի տարածքում Գոռ Բաղդասարյանի ներկայությամբ ուրքով հարվածել է Գևորգ Պեյրոսյանի որովայնին: Հիշյալ պայմաններում Գոռ Բաղդասարյանը, շարունակելով իր հանցավոր դիրավորությունը, չի կարարել ծառայողական պարտականությունները՝ կարարված հանցանքների մասին անհապաղ չի զեկուցել

վերադաս հրամանատարությունը, որն առաջացրել է հանցանքի պարտականությունը»<sup>3</sup>:

5. Հակակոռուպցիոն դատարանը 2024 թվականի փետրվարին 7-ի որոշմամբ արձանագրել է հետևյալը. «(...) Դատարանն արձանագրում է, որ՝

1) մեղադրյալներ՝

1.1) Գագիկ Սերյոժայի Հակոբյանին ներկայացված ՀՀ քրեական օրենսգրքի 254-րդ հոդվածի 2-րդ մասի 1-ին կետով, ՀՀ քրեական օրենսգրքի 521-րդ հոդվածի 1-ին մասով.

1.2) Գևորգ Ղազարուսի Պետրոսյանին ներկայացված ՀՀ քրեական օրենսգրքի 254-րդ հոդվածի 2-րդ մասի 1-ին կետով, ՀՀ քրեական օրենսգրքի 166-րդ հոդվածի 2-րդ ամսի 6-րդ կետով, ՀՀ քրեական օրենսգրքի 521-րդ հոդվածի 1-ին մասով.

1.3) Գոռ Մայիսի Բաղդասարյանին ներկայացված ՀՀ քրեական օրենսգրքի 520-րդ հոդվածի 3-րդ մասի 1-ին կետով.

հանցանքները ներառված չեն 2022 թվականի հուլիսի 1-ից գործող ՀՀ քրեական օրենսգրքի հավելված N 1-ում առկա կոռուպցիոն հանցանքների ցանկում, հետևաբար չեն հանդիսանում կոռուպցիոն բնույթի հանցանքներ

2) մեղադրյալ Գոռ Մայիսի Բաղդասարյանին ներկայացված ՀՀ քրեական օրենսգրքի 549-րդ հոդվածի 1-ին մասով ենթադրյալ արարքը չի կատարվել շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով, որպիսի պարտադիր պայման է նախատեսում ՀՀ քրեական օրենսգրքում լրացումներ և փոփոխություններ կատարելու մասին թիվ ՀՕ-31-Ն օրենքը՝ ուժի մեջ մտած 2024 թվականի փետրվարի 06-ից, ինչից ելնելով ևս չի հանդիսանում կոռուպցիոն բնույթի հանցանք.

3) մեղադրյալներին մեղաազրվող ենթադրաբար կատարված հանցանքները կատարվել են ՀՀ Գեղարքունիքի մարզի առաջին աստիճանի ընդհանուր իրավասության դատարանի դատական փորձով:

<sup>3</sup> Տե՛ս քրեական վարույթ, հատոր 6, թերթեր 256-258:



Վերոգրյալի հիման վրա Դատարանը գրնում է, որ ՀՀ հակակոռուպցիոն դատարանի վարույթում քննվող թիվ ՀԿԴ2/0034/01/23 քրեական վարույթը, ըստ առարկայական ընդդատության, պետք է ուղարկել ՀՀ Գեղարքունիքի մարզի առաջին արյանի ընդհանուր իրավասության դատարան (...)<sup>4</sup>:

6. Գեղարքունիքի մարզի առաջին ատյանի ընդհանուր իրավասության դատարանը 2024 թվականի փետրվարի 23-ի որոշմամբ արձանագրել է հետևյալը. «(...) Սույն քրեական վարույթով մեղադրյալ Գոռ Մայիսի Բաղդասարյանին ներկայացվել է մեղադրանք ՀՀ քրեական օրենսգրքի 549-րդ հոդվածի 1-ին մասով ենթադրյալ արարք կատարելու համար, որը համաձայն քրեական գործում առկա նյութերի չի կատարվել շահադիպական դրդումներից ելնելով և բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով:

Դատարանը արձանագրում է, որ Հայաստանի Հանրապետության քրեական օրենսգրքի հավելված N 1-ով ամրագրված է կոռուպցիոն հանցագործությունների ցանկում ներառված ՀՀ քրեական օրենսգրքի 549-րդ հոդվածում առկա բացառությունը, վերաբերվում է այն դեպքերին, երբ հրամանատարի (պետի) կամ պաշտոնատար անձի կողմից իր իշխանական կամ ծառայողական լիազորությունները կամ դրանցով պայմանավորված ազդեցությունն ի վնաս պետական կամ ծառայողական շահերի օգտագործելը կամ իր ծառայողական պարտականությունը չկատարելը կամ ոչ պարզաձև կատարելը կամ այնպիսի արարք կատարելը, որը չի բխում իր լիազորություններից կամ դուրս է իր լիազորությունների շրջանակից, կատարվել է միաժամանակ շահադիպական դրդումներից չելնելով և բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով:

Դատարանը նման եզրահանգման է գալիս այն պատճառաբանությամբ, որ «Նորմատիվ իրավական ակտերի մասին» ՀՀ օրենքի 16-րդ հոդվածի համաձայն.

1. Նորմատիվ իրավական ակտում նորմի կիրառման համար թվարկված բոլոր պայմանների առկայությունը պարտադիր է, եթե իրավական ակտում

<sup>4</sup> Տե՛ս քրեական վարույթ, հատոր 9, թերթեր 107-111:

1) նշված նորմի կիրառումը պայմանավորված է միայն «և» կամ «ու» շաղկապով բաժանված պայմաններով, կամ

2) նշված նորմի կիրառումը պայմանավորված է միայն սրորակերերով բաժանված պայմաններով, կամ

3) նշված նորմի կիրառումը պայմանավորված է սրորակերերով և «և» կամ «ու» շաղկապով բաժանված պայմաններով: (...)»:

14. Հերևաբար մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին ընդդարյա են առաջին արյանի կարգով իրականացվող ՀՀ քրեական օրենսգրքի 549-րդ հոդվածի 2-րդ մասի 1-ին կետով նախատեսված այն վարութները, երբ իշխանագանցությունը կամ իշխանությունը չարաշահելը միաժամանակ կարարվել է ոչ շահադիպական դրդումներից ելնելով և բոնություն գործադրելով, բոնություն գործադրելու սպառնալիքով կամ զենք կամ հարուկ միջոց օգրագործելով:

Վերոգրյալի հաշվառմամբ նկարի ունենալով, որ սույն վարությով մեղադրյալ Գոռ Մայիսի Բաղդասարյանին ներկայացվել է մեղադրանք ՀՀ քրեական օրենսգրքի 549-րդ հոդվածի 1-ին մասով, այն արարքի կարարման համար, որ հանդիսանալով հրամանարար (պեր)՝ զինվորական կոչումով և ծառայողական դիրքով մարտկոցի զինծառայողներից բարձր անձ, ինչպես նաև նրանց վերադասը, ունենալով իր լիազորություններից բխող հրամաններ կամ կարգադրություններ տալու կամ դրանց կարարումն ապահովելու իրավասություն, (...) հերևողական աշխարանք տանել հանցագործությունների, պարահարների և կարգապահական խախտումների կանխման ուղղությամբ, հանցագործությունների ու պարահարների մասին զեկուցել անհապաղ, խախտել է նշված իրավական ակերերով սահմանված պահանջները, մասնավորապես՝ 2022 թվականի դեկերեմբերի 03-ին զինվորական ծառայության կրելու վայրում՝ (...) տեղեկանալով իր սրորադաս (ենթակա) զինծառայողներ՝ շարքայիններ Գևորգ Ղազարոսի Պերրոսյանի և Գագիկ Սերյոժայի Հակոբյանի կողմից (...) հաիշտակելու դեպքի մասին, չի կարարել իր ծառայողական պարականությունները՝ անհապաղ չի զեկուցել վերադաս

հրամանատարությանը, որն առաջացրել է հանցանքի պարպակում, ինչից պարզ է դառնում, որ Գոռ Մայիսի Բաղդասարյանին մեղսագրված չէ և վերջինս էլ ենթադրաբար իշխանագանգությունը կամ իշխանությունը չարաշահելը չի կատարել բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով:

15. Հերևաբար Դարարանը գրնում է, որ Գոռ Մայիսի Բաղդասարյանին մեղսագրված է ՀՀ քրեական օրենսգրքի հավելված N 1-ում առկա կոռուպցիոն ՀՀ քրեական օրենսգրքի 549-րդ հոդվածի 1-ին մասով նախատեսված հանցանքի ենթադրյալ կատարում, ուստի սույն որոշման 12-րդ կետում շարադրված իրավական նորմերի համաձայն թիվ ԳԴ/0016/01/24 (ՀԿԴ2/0034/01/23) քրեական վարույթը առարկայական առումով ընդդարյա է Հակակոռուպցիոն դարարանին, ինչն էլ հիմք է հանդիսանում Դարարանի համար իր անհամաձայնությունն հայրնել սույն քրեական վարույթի առարկայական ընդդարյության հետ կապված (...):<sup>5</sup>:

### **Սույն որոշման հիմնավորումները և եզրահանգումը.**

7. Սույն վարույթով բարձրացված իրավական հարցը հետևյալն է. հիմնավոր է արդյոք Գեղարքունիքի մարզի առաջին ատյանի ընդհանուր իրավասության դատարանի հետևությունն այն մասին, որ ԳԴ/0016/01/24 (ՀԿԴ2/0034/01/23) քրեական վարույթն ընդդարյա է Հակակոռուպցիոն դատարանին:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դարարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրտեղծված անկախ ու անաչառ դարարանի կողմից ողջամիտ ժամկետում արդարացի և հրապարակային դարարանության իրավունք»:

<sup>5</sup> Տե՛ս քրեական վարույթ, հատոր 9, թերթեր 118-123:

9.1. Մարդու իրավունքների եվրոպական դատարանը, «*օրենքի հիման վրա սրեղծված դատարան*» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»<sup>6</sup>:

Միննույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ. «Ներպետական դատական արյանները դատավարական կանոնները կիրառելիս պետք է ձեռնպահ մասն դրանց չափազանցված ձևականացումից, որն իր ազդեցությունը կունենա դատավարության արդարացիության վրա»<sup>7</sup>:

10. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ. «(...) Գործերի պարշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (...), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պարշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հարակ

<sup>6</sup> Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

<sup>7</sup> Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

կանոնների առկայությունը և դրանց կանխատեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ Կոնկրետ քրեական գործը քննող դատարանը և դատավորը նախատրամադրվածություն չունեն, և Կոնկրետ վարույթ ընդունելիս սուբյեկտիվիզմն ու կամայակայությունը բացառված են եղել:

Այսպիսով, քրեական գործերի ընդհարության որոշման հարակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պարշած երաշխավորման համար (...)<sup>8</sup>:

11. Վերոգրյալից հետևում է, որ ընդդատության կանոններն այն չափանիշներն են, որոնց հիման վրա որոշվում է, թե տվյալ գործով որ դատարանը պետք է իրականացնի արդարադատություն: Ընդդատության կանոնները կոչված են անձին զերծ պահելու դատական շրջապատույտից, որը կարող է առաջանալ, եթե դատարանները հրաժարվեն գործը վարույթ ընդունել՝ իրենց ընդդատյա չլինելու պատճառաբանությամբ:

Ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

Անհրաժեշտ է ընդգծել, որ վարույթն ըստ ընդդատության փոխանցելիս, չպետք է դրսևորվի չափազանց ձևական մոտեցում, և պետք է հաշվի առնվի նաև արդարադատության շահը:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ «Մարզերի առաջին արյանի ընդհանուր իրավասության և Երևան քաղաքի առաջին արյանի ընդհանուր իրավասության քրեական դատարաններին (այսուհետ՝ առաջին արյանի ընդհանուր իրավասության դատարան) ընդդատյա են առաջին արյանի կարգով իրականացվող բոլոր վարույթները, բացառությամբ

<sup>8</sup> Տե՛ս Վճարել դատարանի՝ Գևորգ Հարությունյանի գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդարյա են հակակոռուպցիոն դատարանին»:

ՀՀ քրեական դատավարության օրենսգրքի 263-րդ հոդվածի համաձայն՝ «1.Նախնական դատախոսների ընթացքում պարզելով, որ տվյալ վարույթն ընդդարյա է իրեն, դատարանն այն որոշմամբ անհապաղ փոխանցում է ըստ ընդդարյության:

(...)

5. Վարույթն ըստ ընդդարյության սրացած հակակոռուպցիոն կամ առաջին աստիճանի ընդհանուր իրավասության դատարանը մինչև նախնական դատախոսներ նշանակելը ետօրյա ժամկետում որոշում է կայացնում վարույթը Վճռաբեկ դատարան ուղարկելու մասին, եթե համաձայն է դրա առարկայական ընդդարյությանը:

(...)

8. Սույն հոդվածի 5-րդ մասով նախատեսված դեպքում Վճռաբեկ դատարանի նախագահը, Վճռաբեկ դատարանի քրեական և հակակոռուպցիոն պալատների նախագահները վարույթը Վճռաբեկ դատարանում սրանալու պահից տասնօրյա ժամկետում վերջնականապես լուծում են վարույթի առարկայական ընդդարյության հարցը՝ ընդհանուր թվի ձայների մեծամասնությամբ ընդունված որոշմամբ: Զվեարկելիս ձեռնպահ մնալ չի թույլատրվում:

9. Սույն հոդվածով սահմանված կարգով որոշված դատարանը համարվում է իրավասու դատարան»:

«ՀՀ քրեական օրենսգրքում փոփոխություններ և լրացումներ կատարելու մասին» 2024 թվականի հունվարի 16-ի թիվ ՀՕ-31-Ն ՀՀ օրենքի 7-րդ հոդվածի համաձայն՝ «Օրենսգրքի հավելված N 1-ում (...)

**«Հոդված 549. Իշխանագանջությունը կամ իշխանությունը չարաշահելը» բառերից հետո լրացնել «(բացառությամբ երբ արարքը կատարվել է ոչ շահադիպական դրդումներից ելնելով և բռնություն գործադրելով, բռնություն**

գործադրելու սպառնալիքով կամ զենք կամ հատուկ միջոց օգտագործելով» քառերով»:

«Նորմատիվ իրավական ակտերի մասին» ՀՀ օրենքի 16-րդ հոդվածի համաձայն՝ «1. Նորմատիվ իրավական ակտում նորմի կիրառման համար թվարկված բոլոր պայմանների առկայությունը պարտադիր է, եթե իրավական ակտում

1) նշված նորմի կիրառումը պայմանավորված է միայն «և» կամ «ու» շաղկապով բաժանված պայմաններով, կամ

2) նշված նորմի կիրառումը պայմանավորված է միայն ստորակետերով բաժանված պայմաններով, կամ

3) նշված նորմի կիրառումը պայմանավորված է ստորակետերով և «և» կամ «ու» շաղկապով բաժանված պայմաններով:

(...)

4. Եթե նորմատիվ իրավական ակտում թվարկված բոլոր պայմաններից բավական է միայն մեկի առկայությունը, ապա չի կարող կիրառվել «և» կամ «ու» շաղկապը, կամ դրանք չեն կարող բաժանվել ստորակետով կամ կետադրական այլ նշանով»:

12.1. Նշված նորմերի համակարգային վերլուծությունից հետևում է, որ ՀՀ քրեական օրենսգրքի 549-րդ հոդվածը չի համարվում կոռուպցիոն բնույթի հանցանք հետևյալ պայմանների միաժամանակյա առկայության պարագայում՝ երբ արարքը կատարվել է ա) ոչ շահադիտական դրդումներից ելնելով, բ) բռնություն գործադրելով, բռնություն գործադրելու սպառնալիքով կամ զենք կամ հատուկ միջոց օգտագործելով: Հետևաբար, նշված պայմաններից որևէ մեկի բացակայության դեպքում հանցանքը համարվում է կոռուպցիոն բնույթի և ենթակա չէ փոխանցման առաջին ատյանի ընդհանուր իրավասության դատարան:

13. Սույն վարույթի նյութերի ուսումնասիրությունից երևում է, որ՝

- Հակակոռուպցիոն դատարանը փաստելով, որ Գ.Բաղդասարյանին մեղսագրված՝ ՀՀ քրեական օրենսգրքի 549-րդ հոդվածի 1-ին մասով նախատեսված ենթադրյալ արարքը չի կատարվել «շահադիտական դրդումներից ելնելով և

*բոնություն գործադրելով, բոնություն գործադրելու սպառնալիքով կամ զենք կամ հայրուկ միջոց օգտագործելով»՝ գտել է, որ մեղադրյալներին մեղսագրված հանցանքներից ոչ մեկը չի հանդիսանում կոռուպցիոն բնույթի<sup>9</sup>:*

- Գեղարքունիքի մարզի առաջին ատյանի ընդհանուր իրավասության դատարանն արձանագրելով, որ Գոռ Բաղդասարյանին *«բոնություն գործադրելով, բոնություն գործադրելու սպառնալիքով կամ զենք կամ հայրուկ միջոց օգտագործելով»* կատարելու որակյալ հատկանիշը մեղսագրված չէ՝ փաստել է, որ ենթադրյալ հանցանքը հանդիսանում է կոռուպցիոն բնույթի<sup>10</sup>:

14. Նախորդ կետում մեջբերված փաստական հանգամանքները գնահատելով սույն որոշմամբ վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ Գոռ Բաղդասարյանի նկատմամբ հանրային քրեական հետապնդում հարուցելու մասին որոշման բովանդակությունից հետևում է, որ ՀՀ քրեական օրենսգրքի 549-րդ հոդվածի 1-ին մասով նախատեսված ենթադրյալ հանցանքը *«բոնություն գործադրելով, բոնություն գործադրելու սպառնալիքով կամ զենք կամ հայրուկ միջոց օգտագործելու»* եղանակով կատարելու հատկանիշը Գ.Բաղդասարյանին մեղսագրված չէ, հետևաբար նշված պայմանի բացակայության պայմաններում, արարքը շարունակում է համարվել կոռուպցիոն բնույթի:

Հետևաբար, գտնում ենք, որ սույն վարույթը Գեղարքունիքի մարզի առաջին ատյանի ընդհանուր իրավասության դատարանին ընդդատյա լինելու իրավական հիմքը բացակայում է:

15. Վերոշարադրյալը հիմք է տալիս փաստելու, որ Գեղարքունիքի մարզի առաջին ատյանի ընդհանուր իրավասության դատարանի հետևությունն այն մասին, որ թիվ ԳԴ/0016/01/24 (ՀԿԴ2/0034/01/23) քրեական վարույթն ընդդատյա է Հակակոռուպցիոն դատարանին, հիմնավոր է:

16. Վերոգրյալի հիման վրա գտնում ենք, որ թիվ ԳԴ/0016/01/24 (ՀԿԴ2/0034/01/23) քրեական վարույթն ընդդատյա է Հակակոռուպցիոն դատարանին:

<sup>9</sup> Տե՛ս սույն որոշման 5-րդ կետը:

<sup>10</sup> Տե՛ս սույն որոշման 6-րդ կետը:



Ղեկավարվելով ՀՀ քրեական դատավարության օրենսգրքի 263-րդ հոդվածի 8-րդ մասով՝

**Ո Ր Ո Շ Ե Ց Ի Ն Ք**

Գագիկ Սերյոժայի Հակոբյանի վերաբերյալ ՀՀ քրեական օրենսգրքի 254-րդ հոդվածի 2-րդ մասի 1-ին կետով, 521-րդ հոդվածի 1-ին մասով, Գևորգ Ղազարոսի Պետրոսյանի վերաբերյալ ՀՀ քրեական օրենսգրքի 254-րդ հոդվածի 2-րդ մասի 1-ին կետով, 166-րդ հոդվածի 2-րդ ամսի 6-րդ կետով, 521-րդ հոդվածի 1-ին մասով և Գոռ Մայիսի Բաղդասարյան վերաբերյալ ՀՀ քրեական օրենսգրքի 549-րդ հոդվածի 1-ին մասով, 520-րդ հոդվածի 3-րդ մասի 1-ին կետով թիվ ԳԴ/0016/01/24 (ՀԿԴ2/0034/01/23) քրեական վարույթն ընդդատյա է Հակակոռուպցիոն դատարանին:

**ՀՀ ՎՃՌԱԲԵԿ ԴԱՏԱՐԱՆԻ  
ՆԱԽԱԳԱՀ ԼԻԼԻԹ  
ԹԱԴԵՎՈՍՅԱՆ**

**ՀՀ ՎՃՌԱԲԵԿ  
ԴԱՏԱՐԱՆԻ ՔՐԵԱԿԱՆ  
ՊԱԼԱՏԻ ՆԱԽԱԳԱՀԻՆ  
ՓՈԽԱՐԻՆՈՂ ԱՐԹՈՒՐ  
ՊՈՂՈՍՅԱՆ**

**ՀՀ ՎՃՌԱԲԵԿ  
ԴԱՏԱՐԱՆԻ  
ՀԱԿԱԿՈՌՈՒՊՑԻՈՆ  
ՊԱԼԱՏԻ ՆԱԽԱԳԱՀ  
ԱՐԹՈՒՐ ԴԱՎԹՅԱՆ**